



Aðalfundur
Sorpstöðvar Suðurlands bs.
haldinn á Stracta hótelinu á Hellu
29. október 2021

1. Setning

Jón G. Valgeirsson formaður SOS setur fundinn.

2. Kjör fundarstjóra og fundarritara

Formaður tilnefnir Ágúst Sigurðsson sem fundarstjóra og Rósu Sif Jónsdóttur sem fundarritara. Er það samþykkt samhljóða.

Í lok máls síns felur formaður fundarstjóra stjórn fundarins.

3. Kosning kjörbréfa- og kjörnefnd

Lögð er fram svohljóðandi tillaga stjórnar SOS að kjörbréfa- og kjörnefnd.

Kjörbréfanefnd

Aldís Hafsteinsdóttir

Ari Björn Thorarensen

Margrét Harpa Guðsteinsdóttir

Sveitarfélag

Hveragerðisbær

Sveitarfélagið Árborg

Rangárþing ytra

Er tillagan samþykkt samhljóða og tekur kjörbréfa- og kjörnefnd þegar til starfa.

4. Skýrsla stjórnar

Jón G. Valgeirsson formaður flytur skýrslu stjórnar og kynnir stjórn sína sem fundar reglulega.

Samningar við Norðurá bs. og Sorpurðun Vesturland hf. um takmarkaðar heimildir fyrir móttöku á úrgangi eru útrunnir. Stefán Gíslason ráðgjafi vinnur enn að endurskoðun á svæðisáætlun og heldur utan um úrgangsmagnið á svæðinu.

Það eru laga- og reglugerðabreytingar í gangi og hefur stjórn verið að rýna og senda ríkinu og opinberum stofnunum athugasemdir varðandi þær. Endurskoðun svæðisáætlunar hefur tekið nokkurn tíma en er nú í kynningarferli, vonir standa til að hægt verði að afgreiða áætlanirnar fyrir áramót en þó er ekki víst að það náist.

Fjögur sorpsamlög vinna saman að greina fýsileika þess að reisa hátæknibrennslustöð á Íslandi. Enn er verið að skoða brennsluofn fyrir dýraleifar á Strönd. Mikill viðsnúningur er í rekstri Orkugerðarinnar og verið er að skoða hvort huga eigi að stækkun hennar.

Úrgangsmál eru sífelld að verða stærri verkefni hjá sveitarfélögunum, helstu verkefni á næstunni eru að vinna að greiningu á því að koma upp hátæknibrennsluofni fyrir úrgang á Íslandi, kynna svæðisáætlun fyrir sveitarfélögum, og vinna við endurskoðun á samþykktum SOS.

Eru mörg spennandi verkefni framundan sem finna þarf lausnir á, en úrgangsmálin verða stór verkefni hjá nýjum sveitastjórnnum í vor.

5. Lögmæti fundarins samkvæmt niðurstöðu kjörbréfanefndar

Aldís Hafsteinsdóttir formaður kjörbréfa- og kjörnefndar kveður sér hljóðs og gerir grein fyrir kjörbréfum. Alls eru 9 kjörnir fulltrúar. Gild kjörbréf eru fyrir 9 aðalfulltrúa og 9 varafulltrúa og eru þeir allir mættir.

Fundurinn úrskurðast því lögmætur.

6. Afgreiðslumál

a) Ársskýrsla SOS

Eru henni gerð skil í skýrslu framkvæmdastjóra fyrir á fundinum.

b) Endurskoðaður ársreikningur 2020

Jón G. Valgeirsson formaður kynnir ársreikning fyrir árið 2020, þar kemur fram að rekstrartap nam 2,7 m.kr.

c) Tillaga að fjárhagsáætlun 2022

Jón G. Valgeirsson formaður kynnir fjárhagsáætlun fyrir árið 2022.

Helstu tölur eru þær að rekstrartekjur verði um 10 m.kr. og rekstrargjöld tæplega 17 m.kr.

d) Tillaga að gjaldskrá

Lögð er fram tillaga að breytingum gjaldskrá Sorpstöðvar Suðurlands fyrir árið 2022.

Tillaga til aðalfundar SOS 29. október 2021 um tekjustofn (gjaldskrá)

Fram til loka árs 2018 byggði tekjustofn SOS á umsýslugjaldi sem lagt var á allan úrgang sem fór til urðunar og var gjaldið 0,76 kr./kg. án vsk.

Á aðalfundi SOS árið 2018 var tekjugrunni SOS breytt og skyldi hann framvegis byggja á brunabótamati sem vigti 70% og á fjölda íbúa sem vigti 30% í hverju sveitarfélagi sem aðild á að SOS, sbr. töflu hér að neðan.

Í töflunni hér á eftir má sjá hvernig gjaldið skiptist á sveitarfélögin sem aðild eiga að SOS gefið að markaður tekjustofn Sorpstöðvarinnar á ári sé að fjárhæð 10 m.kr. og ef miðað er við að brunabótamat vigti 70% (stofn frá 31. Desember 2020) og fjöldi íbúa vigti 30% (1. janúar 2021). Í dálknum „Samtals gjald“ má sjá hvernig árgjaldið til SOS skiptist á einstök sveitarfélög m.v. fyrrgreindar forsendur.

Innheimta á gjaldið 1. febrúar og 1. júlí ár hvert.

Sveitarfélag	Íbúafjöldi 01.01.21*	Brunabótamat 31.12.20**	Samtals gjald %	
	Gjald	Gjald		
Skeiða- og Gnúpverjahreppur	76.057	389.133	465.190	4,65%
Flóahreppur	88.948	216.968	305.916	3,06%
Sveitarfélagið Árborg	1.347.370	1.834.194	3.181.564	31,82%
Hrunamannahreppur	105.964	315.608	421.572	4,22%
Bláskógabyggð	147.473	752.723	900.196	9,00%
Grímsnes- og Grafningshreppur	63.424	845.705	909.129	9,09%
Hveragerði	358.113	512.030	870.143	8,70%
Sorpstöð Rangárvallasýslu	507.262	1.472.102	1.979.364	19,79%
Sveitarfélagið Ölfus	305.388	661.536	966.925	9,67%
Samtals	3.000.000	7.000.000	10.000.000	100,00%

Sorpstöð Rangárvallasýslu	Gjald	Gjald	Samtals gjald	%
Rangárþing ytra	224.304	606.001	830.305	8,30%
Rangárþing eystra	248.023	602.742	850.765	8,51%
Ásahreppur	34.935	263.359	298.294	2,98%
Sorpstöð Rangárvallasýslu	507.262	1.472.102	1.979.364	19,79%

Marktekjur kr. 10.000.000.-
Vægi íbúafjölda 30%
Vægi Brunabótamats 70%

*Hagstofa Íslands, íbúafjöldi 1. janúar 2021

** Þjóðskrá. Brunabótamat 31.12.2020

Fundarstjóri gefur orðið laust. Enginn tekur til máls.

e) Tillaga um þóknun stjórnar

Jón G. Valgeirson formaður leggur fram breytingartillögu um þóknun stjórnar en eftirfarandi tillaga lá fyrir fundinum:

Tillaga til aðalfundar SOS 29. október 2021 um þóknun stjórnar sem fylgdi með fundargögnum

1. Laun stjórnar skulu nema 3% af þingfararkaupi fyrir hvern fund. Laun formanns skulu nema 4,5% af þingfararkaupi fyrir hvern fund. Fyrir aðra fundi skulu þau nema 3% af þingfaraþingarkaupi fyrir hvern fund.
2. Fulltrúar í stjórn skulu fá greitt fyrir akstur til og frá fundarstað skv. akstursdagbók í samræmi við reglur RSK um aksturskostnað.

Breytt tillaga til aðalfundar SOS 29. október 2021 um laun stjórnar, ráða og nefnda

Lagt er til að breyting verði gerð á tölulið 1 og svo bætist skýringartexti með hvernig hækka á þóknunina samkvæmt launavísitölu en framkomin breyting er til samræmis við samþykktu tillögu á aðalfundi SASS:

1. Laun stjórnar skulu nema 38.562.- af þingfararkaupi fyrir hvern fund. Laun formanns skulu nema 57.843.- af þingfararkaupi fyrir hvern fund. Fyrir aðra fundi skulu þau nema 38.562.- af þingfaraþingarkaupi fyrir hvern fund.
2. Fulltrúar í stjórn skulu fá greitt fyrir akstur til og frá fundarstað skv. akstursdagbók í samræmi við reglur RSK um aksturskostnað.

Framangreind þóknun skal uppreiknuð þann 1. janúar ár hvert. Í fyrsta skipti 1. janúar 2022 og þá skal miða við breytingu á launavísitölu frá 1. nóvember 2021.

f) Tillögur um breytingu á samþykktum

Engar tillögur berast.

g) Tillögur frá stjórn og aðildarveitarfélögum

Engar tillögur berast.

7. Erindi: Helgi Þór Ingason prófessor við HR og verkefnisstjóri um fýsileika uppbyggingar á hátæknibrennslustöð

Helgi Þór tekur til máls og ræðir um fýsileika uppbyggingar á hátæknibrennslustöð. Hann vann sem forstjóri að endurskipulagningu SORPU í 11 mánuði. Þar heyrir hann fyrst um hátæknibrennslustöð.

Mikilvægt er að skoða verkefni vel á upphafsstigum til að forðast mistök. Það er nóg af áskorunum og rannsóknæfnum í úrgangsmálum. Hagsmunaaðilar eru að vinna saman að hugmyndum um uppbyggingu á hátæknibrennslustöð. Fýsileikinn hefur ekki enn verið metinn en hann er væntanlega mikill. Unnið er að meta bestu leiðina til innleiðingar á framtíðarlausn til meðhöndlunar á brennanlegum úrgangi. Urðun er ekki lausn til framtíðar eins og að henni er staðið í dag. Uðrunarfyrirtækin eru að breytast yfir í þekkingarfyrirtæki. Það liggur fyrir að hætta á urðun í Álfsnesi í lok árs 2023. Í dag fer gríðarlegt magn af sorpi í urðun í jörðu. Einnig er mikið magn sem fer í GAJU.

Fer hann yfir tölulegar upplýsingar um urðun. Brennanlegur úrgangur er 90-130 þúsund tonn á ári. Verið er að skoða hvort sé betra að brenna úrganginn hér á landi fremur en að senda hann út með tilheyrandi kostnaði og áhættu. Við erum allt of hæg í að taka við okkur í sorpmálum.

Honum hefur verið falið að leiða verkefnið um fýsileika á uppbyggingu á hátæknibrennslustöð og vonast hann til að það skili árangri og veki fólk til umhugsunar ásamt því að hjálpa aðilum að taka sameiginlega ákvörðun í sorpmálum.

Sýnir hann verk- og tímaáætlun; það þarf að ná utan um efnis- og orkustrauma, þá þarf að taka á umhverfismálunum, tæknilausnum, hvaða búnað þarf og hvað hann kostar. Staðarvalið skiptir miklu máli, meta þarf arðsemi, áhættugreina og greina fjármögnunarmöguleika. Þá þarf að finna út hvað vinnslan á að vera stór. Það skiptir máli að byggja ekki of stórt og ekki of lítið, einnig þarf að skoða hversu mikið pláss þarf undir svona mannvirki. Umhverfisþættirnir eru skoðaðir, lykt, gas, sjónmengun og hávaði. Einnig á að skoða hvað er tekið til brennslu og hvað ekki.

Íslensku verkfræðistofurnar hafa ekki þá þekkingu sem þarf til að vinna verkið og hefur því verið leitað til danskrar verkfræðistofu. Gera þarf áætlun um stofn- og rekstrarkostnað en óvissuþættirnir eru margir. Það er mælt með einni framleiðslulínu og að hún skili endurunninni orku, bæði rafmagni og heitu vatni. Þetta er gríðarlega stórt verkefni. Það er verið að skoða staðsetningu og er gengið út frá fimm möguleikum; Grundartanga, Álfsnesi,

Þorlákshöfn, Straumsvík og Helguvík. Þessa staði þarf að skoða út frá mörgum þáttum, meta þarf fjárhagslega hagkvæmi og staðsetja stöðina út frá því.

Fara þarf yfir regluverk og lagaramma um rekstur sorpbrennslu. Greina fjárfestingamöguleika og skoða áhættuþætti. Það er mikilvægt að kynna niðurstöðurnar vel. Áhuginn á verkefninu er mikill og var ákveðið að gera grein fyrir niðurstöðum jafn óðum á vettvangi sambandsins. Það eru um 50 – 100 manns að sækja kynningarfundina sem hafa verið á rafrænu formi. Vegferðin er mikilvæg og það skiptir máli að heyra raddir fólks svo hægt sé að skoða þetta enn betur. En enginn veit hvort verkefnið endar með því að byggð verði hátæknibrennslustöð, en það er vitað að svona stöð er ekki tekjueining heldur kostnaðareining, en um leið er verið að reyna að draga úr kostnaði.

Fundarstjóri gefur orðið laust, Gísli Halldór Halldórsson, Ari Björn Thorarensen, Kolbeinn Sveinbjörnsson, Aldís Hafsteinsdóttir og Árni Eiríksson taka til máls.

8. Erindi: Úrgangsmál á Suðurlandi: Staða og horfur, Stefán Gíslason umhverfisstjórnunarfræðingur.

Stefán Gíslason tekur til máls í fjarfundi og fer yfir stöðu og horfur í úrgangsmálum á Suðurlandi. Fer hann yfir úrgangstölur sem hann fær frá þjónustuaðilum en þetta eru einungis tölur frá sveitarfélögnum. Heildarmagn úrgangs hefur vaxið jafnt og þétt en það hefur þó ekki vaxið eins mikið pr. íbúa. Aukningin er í endurvinnslunni 572 kg. pr. íbúa á starfssvæði SOS en 761 kg. pr. íbúa í Grímsnes- og Grafningshreppi. Það sveitarfélag sker sig úr í magni pr. íbúa og skýrist það af fjölda orlofshúsa. Blandaður úrgangur hefur heldur farið minnkandi. Aukning hefur orðið í flokkun á lífrænum úrgangi eða um 51 kg. pr. íbúa en öll sveitarfélög á svæðinu eru farin að flokka hann frá. Þetta er breyting sem hefur tekist vel og hefur skilað árangri. Fer hann yfir skiptingu á úrgagni í söfnun til endurvinnslu sem eykst jafnt og þétt.

Brennslustöð fyrir dýrahæ, Stefán telur að það sé ekki góður kostur að fara með hræin í hátæknibrennslustöð en það er enn verið að undirbúa að setja upp brennslustöð á Strönd. Spurning er, hvernig safna eigi dýrahæjunum saman, sem og uppbygging gjaldskrár. Eftir á að taka endanlegar ákvarðanir um móttökubúnað, stærð á húsnæði og aðferðir, og ílát til söfnunar. Áætlað magn á svæðinu er um 1.500 tonn á ári. Fyrirmynd af gjaldskrá er til staðar í Borgarbyggð.

Áskoranir framundan eru koma hræbrennslunni af stað, bæta flokkun enn frekar, m.a. hjá fyrirtækjum. Það þarf að taka inn gler og textíl. Betri flokkun hefur í för með sér minni kostnað. Það þarf að endurskoða samþykktir og gjaldskrár frá grunni. Mikil og flókin vinna er framundan.

Fundarstjóri gefur orðið laust. Enginn tekur til máls.

9. Almennar umræður

Fundarstjóri gefur orðið laust Ari Björn Thorarensen tekur til máls um Kirkjuferjuháleigu.

10. Afgreiðsla á b. lið og tillögum c., d. og e., í 6. dagskrárlið

b) Lagt er til að endurskoðaður ársreikningur 2020 verði samþykktur.

Tillagan er borin undir atkvæði og samþykkt samhljóða.

c) Lagt er til að fjárhagsáætlun 2022 verði samþykkt.

Tillagan er borin undir atkvæði og samþykkt samhljóða.

d) Lagt er til að gjaldskrá verði samþykkt.

Tillagan er borin undir atkvæði og samþykkt samhljóða.

e) Lagt er til að breytingartillaga sem lögð er fram á fundinum að þóknun stjórnar verði samþykkt.

Breytt tillaga að þóknun stjórnar er borin undir atkvæði og samþykkt samhljóða.

f) Lagt er til að tillögur að breytingum á samþykktum verði samþykktar.

Engar tillögur að breytingu á samþykktum berast.

g) Lagt er til að tillögur frá stjórn og aðildarsveitarfélögum verði samþykktar.

Engar tillögur frá stjórn og aðildarsveitarfélögum berast.

11. Kosningar

Stjórn Sorpstöðvar Suðurlands, 5 menn og 5 til vara

Aldís Hafsteinsdóttir leggur fram tillögu kjörnefndar að stjórn SOS.

Aðalmenn:

Jón G. Valgeirsson, Hrunamannahr.
Anton Kári Halldórsson, Rangárþ. eystra
Gísli Halldór Halldórsson, Sveitarf. Árborg
Arna Ír Gunnarsdóttir, Sveitarf. Árborg
Ingibjörg Kjartansdóttir, Sveitarf. Ölfus

Varamenn:

Einar Bjarnason, Skeið- og Gnúpverjahl.
Ágúst Sigurðsson, Rangárþ. ytra
Helgi S. Haraldsson, Sveitarf. Árborg
Álfheiður Eymarsdóttir, Sveitarf. Árborg
Aldís Hafsteinsdóttir, Hveragerðisbær

Kjörnefnd leggur til að Jón G. Valgeirsson verði formaður og Anton Kári Halldórsson verði varaformaður.

Tillagan er borin undir atkvæði og samþykkt samhljóða.

Fundarslit

Jón G. Valgeirsson formaður þakkar fyrir traustið fyrir hönd stjórnar. Einnig þakkar hann starfsmönnum og fundargestum fyrir góðan fund.

Fundi slitið kl. 10:27.

Rósa Sif Jónsdóttir fundarritari.